

Uunga siunnersuut: Uranimik il. il., misissueqqaarnermut, ujaasinermit piiaanermullu inerteqquteqarneq pillugu Inatsisartut inatsisaat

Ineqarnermut, Attaveqaasersuutitut, Aatsitassanut, Inatsisit Atuutsitsinneqarnerannut Naligiissitaanermullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip pingajussaaneerpeqarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini kingullertigut ilaasortarai:

Inatsisartunut ilaasortaq Mariane Paviasen, Inuit Ataqtigii, siulittaasoq

Inatsisartunut ilaasortaq Lars Poulsen, Siumut, siulittaasup tullia

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Karl Tobiassen, Siumut

Inatsisartunut ilaasortaq Knud Mathiassen, Inuit Ataqtigii

Inatsisartunut ilaasortaq Harald Bianco, Inuit Ataqtigii

Inatsisartunut ilaasortaq Aslak Wilhelm Jensen, Siumut

Siunnersuut ulloq 2. november 2021 aappassaaneerpeqarnermini pingajussaaneerpeqannginnermini ataatsimiititaliamut suliarineqaqqittussanngortinneqarpoq.

Aappassaaneerinninnermi siunnersuut pillugu annertuumik oqallittoqarpoq, siunnersuut isumaqatigalugu akerleralugulu tungavilersuutit siunnermeerinninnermi saqqummiunneqartut assigalugit. Aappassaaneerinninnermi ilaatigut siunnersuutip §-iisa aappaat qitiutinneqarpoq, tassuuna Naalakkersuisut piginnaatinneqarput inatsisip atuuffiata aatsitassanut allanut uraniunngitsunut annertusineqarsinnaaneranut. Qitiutinneqartut allat ilagaat siunnersuut pillugu imaluunniit ”uranimik piiaanissaq isumaqatigalugu isumaqatiginaguluunniit” innuttaasunik taasisitsisoqarsinnaaneranut taasisitsisoqannginnissaanulluunniit tungavilersuutit. Siunnersuutip pingajussaaneerpeqannginnermini ataatsimiititaliamut suliaassanngorteqqinneqarnissaa nalinginnaasumik isumaqatigiissutaasvoq.

Allannguutissatut siunnersuut

Pingajussaaneerinninnermut allannguutissatut siunnersuutit marluk saqqummiunneqarput. Allannguutissatut siunnersuutit imminnut mattut inngillat:

Allannguutissatut siunnersuut 1:

Atassut siunnersuutit pingajussaaneerineqarnissaanut allannguutissatut siunnersuuteqarpoq. Allannguutissatut siunnersuutit siunertaraa siunnersuutit atuutilerfissaata allanngortinneqarnissaa, taamaalillunilu Naalakkersuisut siusinnerpaamik Inatsisartut inatsisaat pillugu najoqqutassiiviusumik innuttaasut taasisinneqareernerisa kingorna sapaatit akunneri sisamat qaangiunneranni siunnersuummik atuutilersitsinnaassallutik. Allannguutissatut siunnersuut ilassutitut isumaliutissiissummut **ilanngussatut A**-tut ilanngunneqarpoq.

Ataatsimiititaliami amerlanerussuteqartut Siumup Atassutillu ilaasortaatitaasa allannguutissatut siunnersuutit akuersissutigineqarnissaa inassutigaat. Ataatsimiititaliami ikinnerussuteqartut Inuit Ataqatigiit ilaasortaatitaasa allannguutissatut siunnersuutit itigartinneqarnissaa siunnersuutaqaartullu akuersissutigineqarnissaa inassutigaat. Ataani inassuteqaatini ikinnerussuteqartut oqaaseqaataat innersuussutigineqarpoq.

Allannguutissatut siunnersuut 2:

Siumut Atassullu ataatsimoorlutik siunnersuutit pingajussaaneerineqarnissaanut suli ataatsimik allannguutissatut siunnersuuteqarput. Allannguutissatut siunnersuutit § 2-p peerneqarnissaa siunertaraa. Allannguutissatut siunnersuummut tunuliaqutaasut eqqarsaatigalugit aappassaaneerinninnermut isumaliutissiissut innersuussutigineqarpoq. Allannguutissatut siunnersuut ilassutitut isumaliutissiissummut **ilanngussatut B**-tut ilanngunneqarpoq. Allannguutissatut siunnersuummut nassuiaatit innersuussutigineqarput.

Ataatsimiititaliami amerlanerussuteqartut Siumup Atassutillu ilaasortaatitaasa allannguutissatut siunnersuutit akuersissutigineqarnissaa inassutigaat. Ataatsimiititaliami ikinnerussuteqartut Inuit Ataqatigiit ilaasortaatitaasa allannguutissatut siunnersuutit itigartinneqarnissaa siunnersuutaqaartullu akuersissutigineqarnissaa inassutigaat. Ataani inassuteqaatini ikinnerussuteqartut oqaaseqaataat innersuussutigineqarpoq.

Ataatsimiititaliap inassuteqaatai

Ataatsimiititaliami amerlanerussuteqartut Siumup Atassutillu ilaasortaatitaasa allannguutissatut siunnersuutit 1-ip aamma allannguutissatut siunnersuutit 2-p akuersissutigineqarnissaat inassutigaat.

Ataatsimiititaliami ikinnerussuteqartut Inuit Ataqtigiit ilaasortaataasa siunnersuut pillugu oqaatigissavaat:

Inuit Ataqtigiit siunnersuutip aallaqqaammut ilusimisut akuersissutigineqarnissaa inassutigaat.

Ataatsimiititaliami ikinnerussuteqartut qulaani taaneqartut tamanna tunngavigalugu allannguutissatut siunnersuutip 1-ip aamma allannguutissatut siunnersuutip 2-p itigartinneqarnissaat **siunnersuutaqqaartullu akuersissutigineqarnissaa** inassutigaat.

Taamatut oqaaseqarluni isumaliutissiisummilu taaneqartutut paasinnilluni ataatsimiititaliap siunnersuut pingajussaaniigassanngortippaa.

Mariane Paviasen
Siulittaasoq

Lars Poulsen
Siulittaasup tullia

Aqqalu Jerimiassen

Karl Tobiassen

Knud Mathiassen

Harald Bianco

Aslak Wilhelm Jensen